

Izjava OHR-a na konferenciji za medije međunarodnih organizacija

Ispravljanje nepravilnosti u poslovanju javnih kompanija radi stvaranja novih radnih mjesta

Kao što znate, entiteski premijeri su prošle godine najavili da će osigurati usvajanje ključnih reformi nakon što je Specijalni revizor otkrio da javna preduzeća u BiH gube desetine miliona KM potencijalog prihoda svake godine zbog lošeg upravljanja i prevara. Efektivno rješavanje ovog problema je ključni test za entiteske vlasti i njihovu ozbiljnu opredijeljenost da poduzmu energične mjere protiv korupcije i prevare koje građane košta milione.

U pogledu Telekom Srpske, Specijalni revizor je ukazao, između ostalog, na to da je kompanija bila uključena u nepravilne tenderske procedure i da u većem broju slučajeva nije ispoštovala sukob interesa ili proceduru upravljanja što je kompaniju koštalo milione KM.

Upravni odbor Telekoma Srpske je tijelo koje je odgovorno za to da osigura pravilno upravljanje i to nije učinjeno. Specijalni revizor je otkrio da Odbor nije na pravilan način izvršavao svoj posao. Zbog toga vrijedi spomenuti da je prošle subote, kada je skupština Telekoma Srpske imenovala novi Upravni odbor u koji je imenovano četiri od pet članova ranijeg Upravnog odbora, propuštena prilika da se pošalje snažna poruka da loša uprava neće biti tolerisana.

Njihove akcije jasno pokazuju da Telekom Srpske i Vlada RS-a, kao većinski vlasnik, nisu spremni da se ozbiljno pozabave lošim upravljanjem u javnom sektoru. S jedne strane, Vlada i Telekom Srpske su se javno obavezali da će okončati

zloupotrebe u kompaniji kako bi ona mogla početi djelovati – kako bi javna preduzeća i trebala – na učinkovit i konkurentan način koji bi omogućio ekonomski rast i stvorio nova radna mjesta. S druge strane, isti ljudi koji nisu bili u stanju da spriječe prevare širokih razmjera i nekompetentnost su ponovno izabrani na iste pozicije.

Ova akcija čini još više važnim da parlamenti usvoje paket reformskih zakona koje su premijeri najavili krajem prošle godine, jer se klauzule u ovih pet zakona posebno odnose na uzroke prevare u javnim preduzećima i propisuje ozbiljne sankcije za one koji su uključeni u ovakve aktivnosti.

Odgovornost za poduzimanje značajnih koraka na polju ovih reformi leži na vlastima RS-a. Ako vlasti RS-a ne budu poduzeli ovakve takve korake građani će morati izvući neizbježan zaključak da vlasti RS-a iz bilo kojeg razloga nisu u stanju ili ne žele da preduzmu korake radi zaštite od prevara i korupcije.